



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

Modvs Observandvs In Pvblica Sessione Conciliorvm Generalivm,
Practicatus & obseruatus in Concilio generali Constantiensi.

urn:nbn:de:hbz:466:1-15653

MODVS OBSERVANDVS
IN PVBLICA SESSIONE
CONCILIORVM GENERALIVM,

ANNO
CHRISTI
1418.

Prædicatus & observatus in Concilio generali Constantiensi.

PRIMO in locò vbi tenetur sessio, celebrabitur Missa solennis de Spiritu sancto quocumque tempore per cardinales, vel alium prælatum ad hoc deputatum. Qua Missa durante, omnes prælati suis habitibus consuetis sunt induti, & sedent in loco dictæ sessionis secundum suas dignitates & prærogatiuas. Prædicta autem Missa finita, omnes prælati in eadem sessione existentes induunt se pluuiialibus, & habent mitras albas, solo præsidente vel celebrante in Concilio excepto, qui habet mitram auri-phrygiatam & gemmatam ac notabiliter ornatã. Qui quidem præsidens vel celebrans, associatis diacono & subdiacono, ac aliis multis in habitibus ecclesiasticis, sedet in cathedra in medio chori, habens dorsum ad altare, & vultum ad alios prælatos. Prælati igitur sic induti & ornati, cantores cantant antiphonam: Exaudi nos Domine, quoniam benigna est misericordia tua, secundum multitudinem miserationum tuarum respice nos Domine. Versus: Saluum me fac Domine, quoniam intrauerunt aquæ vsque ad animam meam. Gloria Patri & Filio & Spiritui sancto. Qua antiphona cantata, diaconus clamat alta voce: Orate. Quo dicto, omnes prælati flectunt genua, & per aliquod interuallum orant sub silentio secundum deuotiones suas. Et postquam in illa oratione per aliquod competens interuallum steterunt, idem diaconus iterum clamat alta voce: Erigite vos. Et tunc omnibus prælati surgentibus & stantibus, ipse præsidens vel celebrans etiam erectus, hanc dicit orationem alta voce.

Oremus. ORATIO.

Adsumus, Domine sancte Spiritus, adsumus, peccati quidem * immanitate detenti, sed in nomine tuo speciali-
ter aggregati. Veni ad nos, adesto nobiscum, dignare illa-
* immanitate

ANNO
CHRISTI
1418.

* solus

bi cordibus nostris : doce nos quid agamus, quo gradiamur : ostende quid efficere debeamus, vt te auxiliante, tibi in omnibus complacere valeamus. Esto * salus, suggestor & effector iudiciorum nostrorum, qui solus cum Deo Patre & eius Filio nomen possides gloriosum. Non nos patiaris perturbatores esse iustitiæ, qui summe diligis æquitatem : vt sinistrum nos non ignorantia trahat, non fauor inflectat, non acceptio muneris vel personæ corrumpat : sed iunge nos tibi efficaciter solius tuæ gratiæ dono, vt simus in te vnum, & in nullo deuiemus a vero : quatenus in nomine tuo collecti, sic in cunctis teneamus cum moderamine pietatis iustitiam, vt hic a te in nullo dissentiat sententia nostra, & in futuro pro bene gestis consequamur præmia sempiterna. Amen.

Prædicta vero oratione finita, cantores Concilii incipiunt antiphonam, Exaudi nos Domine, quoniam benigna est misericordia tua, secundum multitudinem miserationum tuarum, &c. vt supra. Qua antiphona cantata, omnes (vt præmissum est) flexis genibus orant. Et factò paruo interuallo, diaconus iterum dicit alta voce : Erigite vos. Tunc omnibus erectis, præsidens vel celebrans dicit iterum hanc orationem.

Oremus. ORATIO.

Mentibus nostris, quæsumus Domine, Spiritum sanctum benignus infunde, quatenus in nomine tuo collecti, sic in cunctis teneamus cum moderamine pietatis iustitiam, vt hic a te in nullo dissentiat voluntas nostra, sed semper rationabilia meditantes, quæ tibi sunt placita exequamur in factis. Per Dominum, &c.

Quibus sic peractis, omnes flectant genua, & diaconus & subdiaconus, vel alii duo ad hoc deputati, ante altare stantes, incipiant litaniam, cantoribus & aliis respondentibus. Et quando venitur ad illum locum, Vt dominum apostolicum; præsidens vel celebrans, qui cum aliis stabat flexis genibus, surgit : & vertens se ad congregationem, & dando benedictionem, cantando ter dicit : Vt hanc sanctam Synodum & omnes gradus ecclesiasticos benedicere, regere & conseruare digneris : cantoribus respondentibus qualibet vice prædicta, Te rogamus, audi nos. Completa vero litania, præsidens vel celebrans dicit : Oremus.

Concil. Tom. 29.

Nnnn ij

Math. 5.

Psalm. 103.

Quo dicto, diaconus dicit: Flectamus genua. Et subdiaconus dicit: Leuate. Deinde celebrans dicit hanc orationem: Da, quæsumus, ecclesiæ tuæ misericors Deus, vt Spiritu sancto congregata, hostili nullatenus incurfione turbetur. Per Dominum, &c. His vero completis, diaconus habens librum supra pulpitum inter altare & celebrantem dispositum, accensis duobus cereis circa ipsum pulpitum, incipit euangelium: *Vos estis sal terræ*: vel quod ad legendum sibi est ordinatum. Quo euangelio perlecto, celebrans primo facit collationem, exhortando omnes & singulos ad sollicitam meditationem & curam Dei, & super omnibus causis, propter quas sacrosancta Synodus est congregata. Deinde flexis genibus, incipit alta voce hymnum: Veni creator Spiritus. quem hymnum cantant alternatim existentes in sessione cum cantoribus. Quo hymno sollemniter & deuote decantato, duo clerici induti superpelliciiis & adstantes præfidenti, dicunt versiculum: *Emitte Spiritum tuum, & creabuntur*. Et cantores respondent: *Et renouabis faciem terræ*. Postea celebrans dicit hanc orationem.

Oremus.

Deus qui corda fidelium sancti Spiritus illustratione docuisti, da nobis in eodem Spiritu recta sapere, & de eius semper consolatione gaudere. Per Dominum nostrum Iesum Christum filium tuum, qui tecum viuit & regnat in vnitrate Spiritus sancti Deus, per omnia sæcula sæculorum. Amen.

Postmodum duo prædicti clerici, vel diaconus, vel subdiaconus, dicunt: Benedicamus Domino. Et adstantes respondent: Deo gratias.

His autem omnibus completis, idem præfidentis, vel celebrans, & omnes alii prælati sedent, & ponunt mitras in capitibus suis. Et tunc vnus prælatorum ad hoc deputatus legit decreta in illa sessione expedienda. Et in eodem ambone cum dicto prælato legente ipsa decreta erant præfidentes nationum tempore Concilii Constantiensis, & respondebat quilibet præfidentis, Placet, pro natione sua. Præfidentis vero generalis in dicta sessione respondebat etiam, Placet, etiam pro sacro Concilio & collegio generali. Decretis vero perlectis, & responso, Placet, & dicto, Te Deum laudamus, cum oratione de Spiritu sancto,

ANNO CHRISTI 1418. omnes depositis pluuiialibus & mitris, resumunt habitus suos consuetos, & recedunt.

Nos igitur præinserta gesta ac decreta, ne cuiusuis impugnationis iaculis subiaceant tēpore procedente, auctoritate vniuersalis ecclesiæ volumus, statuimus ac decernimus & mandamus, quatenus præfatis decretis & gestis superius insertis, in iudiciis & extra vbiicumque producta exhibitaque fuerint, vel ostensa, in omnibus & per omnia stetur, ac fides plenaria adhibeatur, perinde ac si bulla eiusdem Constantiensis Synodi bullata forent; nec ad illorum probationem aliud adminiculum quomodolibet requiratur. Nulli ergo omnino hominum liceat hanc paginam nostræ voluntatis, statuti, decreti & mandati infringere, vel ei ausu temerario contraire. Si quis autem hoc attentare præsumperit, indignationem omnipotentis Dei & vniuersalis ecclesiæ se nouerit incursum. Datum Basileæ pridie Nonas Februarii, anno a natiuitate Domini MCCCCXLII.

Subscripta gesta & decreta sacri Concilii Constantiensis, concordatis cum volumine & tenore sub bulla sacri Concilii Basileensis plumbea bullatis, & manibus propriis dictorum dominorum deutorum subscriptis, facta collatione per me Michaellem Galteri notarium ipsius sacri Concilii Basileensis, redacta in nonaginta octo chartis seu foliis, præfenti in numero huiusmodi computato.

Ego Ioannes Huober ex Nederdorff, quam alias Villam bassam vocant, * Bixnensis diocesis, artium liberalium magister, & sacre theologiæ baccalaureus, sessiones & decreta sacrosancti magni & generalis Concilii Constantiensis præscripta, ab exemplari authentico collationato, & bulla plumbea pendente in chordula serici roborato, in vno missionis Spiritus sancti in specie columbæ, in altero vero lateribus horum verborum, Sacrosancta generalis Synodus Basileensis, sculpturas supra in principio depictas continente, & præfata chordula sericea per omnes chartas inferioris marginis transeunte, manu propria descripsi atque consummaui, decimo Kalendas Iulii, anno a natiuitate Domini millesimo quadringentesimo nonagesimo.